



Broj: 05/1-50-13-29-32/13

Sarajevo, 24.6.2013. godine

ZAPISNIK

32. sjednice Nezavisnog odbora Parlamentarne skupštine BiH

Sjednica je održana 24.6.2013., s početkom u 10 sati.

Sjednicu je sazvao Žiko Krunić, predsjednik Nezavisnog odbora.

Sjednici su prisustvovali: Žiko Krunić, predsjednik Nezavisnog odbora, Bakir Dautbašić, prvi zamjenik predsjednika Nezavisnog odbora, Mato Jozić, drugi zamjenik predsjednika Nezavisnog odbora, Zijad Kadić, Stanko Nuić, Viktor Dadić, Ljubomir Kuravica, Enes Obralića i Dragan Savić, članovi Nezavisnog odbora.

Sjednici su prisustvovala Alma Salkić-Mijić, sekretar Nezavisnog odbora, i Ivana Lovrić iz Sektora za druga parlamentarna tijela Sekretarijata Parlamentarne skupštine BiH.

Sjednicu je pratila i Dijana Šatara, predstavница OHR-a.

Predsjednik Nezavisnog odbora Žiko Krunić konstatirao je da postoji kvorum za rad i otvorio sjednicu.

Nezavisni odbor jednoglasno je usvojio predloženi

DNEVNI RED

1. Razmatranje Informacije o preduzetim mjerama i aktivnostima Direkcije za koordinaciju policijskih tijela BiH u vezi s održanim protestima ispred zgrada institucija BiH od 5. do 7.6.2013., od 14.06.2013.;
2. Tekuća pitanja.

Ad.1. Razmatranje Informacije o preduzetim mjerama i aktivnostima Direkcije za koordinaciju policijskih tijela BiH u vezi s protestima održanim ispred zgrada institucija BiH od 5. do 7.6.2013., od 14.6.2013.

Predsjednik Nezavisnog odbora Žiko Krunić u uvodu je podsjetio članove da je direktor Direkcije za koordinaciju policijskih tijela dostavio Nezavisnom odboru Informaciju o preduzetim mjerama i aktivnostima Direkcije za koordinaciju policijskih tijela BiH u vezi s održanim protestima ispred zgrada institucija BiH od 5. do 7.6.2013., od 14.6.2013.

Otvorio je raspravu o ovoj tački dnevnog reda.

U raspravi su učestvovali svi prisutni članovi Nezavisnog odbora.

Na kraju, Nezavisni odbor jednoglasno je usvojio sljedeće **zaključke**:

1. Nezavisni odbor Parlamentarne skupštine BiH konstatira da su protesti održani od 5. do 7.6.2013. i blokada zgrada institucija BiH nanijeli veliku štetu Bosni i Hercegovini.
2. Nezavisni odbor Parlamentarne skupštine BiH konstatira da nadležne policijske agencije BiH nisu koristile iskustva iz napada na Ambasadu SAD-a.
3. Nezavisni odbor Parlamentarne skupštine BiH prihvata izvještaj Direkcije za koordinaciju policijskih tijela BiH kao objektivan, te smatra da se ne može zaključiti da je bilo značajnijih propusta u radu rukovodilaca Direkcije za koordinaciju policijskih tijela BiH.
4. Nezavisni odbor Parlamentarne skupštine BiH konstatira da se iz izvještaja Direkcije za koordinaciju policijskih tijela BiH može zaključiti da je postupanje MUP-a Kantona Sarajevo i Federalnog MUP-a bilo neadekvatno u datoj situaciji, te predlaže nadležnim nezavisnim odborima da održe hitnu sjednicu na kojoj će se izjasniti o postupanju rukovodilaca policijskih agencija iz njihove nadležnosti.
5. Nezavisni odbor Parlamentarne skupštine BiH smatra da nadležni pravosudni organi treba da izvrše analizu i procjenu postupaka nadležnih tužilaštava u vezi s predmetnim događajem.
6. Nezavisni odbor Parlamentarne skupštine BiH predlaže da Vijeće ministara BiH, na osnovu izvještaja Direkcije za koordinaciju policijskih tijela BiH i pribavljenih izvještaja mjesno nadležnih policijskih agencija, procijeni da li ima dovoljno garancija za siguran rad članova Parlamentarne skupštine BiH, Vijeća ministara BiH i zaposlenih u institucijama BiH.

Ad.2. Tekuća pitanja

O ovoj tački dnevnog reda nije bilo rasprave.

Sjednica je završena u 15 sati.

Sekretar
Nezavisnog odbora
Alma Salkić-Mijić

Predsjednik
Nezavisnog odbora
Žiko Krunić